

IZVJEŠĆE s terenskih obilazaka za razdoblje od 3.11. do 7. 11. 2025. godine

3.11. 2025			Baščaršija 13, Sarajevo
------------	--	--	-------------------------

Zavodu za zaštitu spomenika obratila se Služba za urbanizam, prostorno planiranje i zaštitu okoliša Općine Stari Grad Sarajevo sa zahtjevom za produženje važnosti rješenja ovog organa broj: UP-I-05-19-3959/24-DG od 26. 11. 2024. godine kojim je izdato odobrenje za postavljanje jedne svijetleće reklame unutar objekta koji se nalazi u ulici Baščaršija broj 13.

Uvidom u dostavljenu dokumentaciju i uvidom na licu mjesta utvrđeno je da predmetni objekt pripada obuhvatu nacionalnog spomenika BiH pod nazivom *Historijski urbani krajolik Sarajevo* («Službeni glasnik BiH», broj 1/21 i 10/21), na koji se primjenjuju mjere zaštite koje su utvrđene Zakonom o provedbi odluka Povjerenstva za zaštitu nacionalnih spomenika uspostavljenog prema Aneksu 8. Općeg okvirnog sporazuma za mir u Bosni i Hercegovini («Službene novine Federacije BiH», br: 2/02, 8/02, 27/02, 6/04 i 51/07).

Pregledom dostavljenog spisa i uvidom na licu mjesta, Zavod je mišljenja da se može prihvatiti zahtjev za produženje važenja gore navedenih akata Općine Stari Grad, a u vezi postavljanja bankomata na predmetnoj lokaciji.

Ovo stručno mišljenje odnosi se na aspekt kulturno-povijesnog naslijeđa i vrijedi do isteka roka danog od Općine ili do donošenja *Pravilnika sa smjernicama za postavljanje reklama u Historijskom urbanom krajoliku Sarajevo*.

Investitor je dužan sve ugovorene obveze izmiriti nadležnoj službi Općine Stari Grad Sarajevo.

3.11.2025.			Štrosmajerova broj 6, Sarajevo
------------	--	--	--------------------------------

Zavodu za zaštitu spomenika dostavljen je zahtjev „OKI UPRAVITELJ“ d.o.o. za davanje stručnog mišljenja na izvještaj stalnog sudskog vještaka građevinske struke Dževada Jusufspahića iz Sarajeva i prijedlog sanacionih radova na objektu u ulici Štrosmajerova broj 6.

Uvidom u dostavljenu dokumentaciju i uvidom na licu mjesta utvrđeno je da predmetni objekt pripada obuhvatu nacionalnog spomenika BiH pod nazivom *Historijski urbani krajolik Sarajevo* («Službeni glasnik BiH», broj 1/21 i 10/21), na koji se primjenjuju mjere zaštite koje su utvrđene Zakonom o provedbi odluka Povjerenstva za zaštitu nacionalnih spomenika uspostavljenog prema Aneksu 8. Općeg okvirnog sporazuma

za mir u Bosni i Hercegovini («Službene novine Federacije BiH», br: 2/02, 8/02, 27/02, 6/04 i 51/07).

Pregledom dostavljene dokumentacije utvrđeno je da su predviđeni radovi sanacije unutrašnjeg dvorišta sa ciljem eliminiranja vlage u podrumskim i suterenskim prostorima zgrade. Razlog nastanka vlage je dugoročna zapuštenost i neodržavanje unutrašnjeg dvorišta. Predviđeni radovi se odnose na eliminaciju rastinja, šuta i oštećenih dijelova zidova od opeke kao i sanaciju pokrova, oluka i odvodnje oborinske vode.

S aspekta zaštite nacionalnih spomenika, stručnjaci Zavoda za zaštitu spomenika mišljenja su da su svi radovi u skladu sa principima struke kao i predviđeni materijali i tehnologija. Predviđeni radovi neće ugroziti nacionalni spomenik i može se dati suglasnost na njihovu realizaciju prema dostavljenoj dokumentaciji. Svako odstupanje od iste treba biti usuglašeno s Zavodom.

Investitor je obvezan pridržavati se cjelokupne zakonom propisane regulative pri odabiru izvođača i organizaciji gradilišta.

Izvođač je dužan izvijestiti Zavod za zaštitu spomenika o točnom početku izvođenja predmetnih radova, kako bi se izvršio pravovremen stručni nadzor kao zakonska obveza ovoga Zavoda.